

Q V Æ S T I O M E D I C A.
Q V O D L I B E T A R I I S D I S P U T A T I O N I B V S M A N E D I S C V T I E N D A
I N S C H O L I S M E D I C O R V M, D I E I O V I S X X I X. N O V E M B R I S.
M. S I M O N E L E T E L L I E R Doctore, Consiliario & Medico Regio moderatore.

Est-ne indiculus acutorum comes febris?

819

F

EBRIS vni animalium homini familiaris, frequentissime hominem accit, nullus sit communior morbus, nullus qui sæpius Medici operi efflagitet. Hæc vna ferè creditur inter morbos Medici auxilio digna, nec vllus hoc tempore egerit Medicum poscit, aut de vitâ secum agi putat, qui se febris senferit expertem: Insigni certè & periculoso vulgi errore, quasi vnica hæc sit attritua Diis, nec vltimum sine febre obeat diem. Equidem nunquam morimur, nisi affecto corde: sæpius tamen mori contigit sine febre; & quamquam ea, sit non parua ad cuiusmodi vehementiam & magnitudinem accessio, non est idcirco omnis vehemens & acuta, vt nec omnis acutus cum febre.

F

EBRIS sedes est in corde, non omnis tamen in eo accensus calor, citius secundum naturam non est, protinus febris nomen meretur: nec si irâ leuiter corpus incalefcit, fugacem hunc calorem vllus febrem, vt nec morbum rectè appellat. Soluile propria febris haberi debet, qui contra naturam est, & tamen si in corde non primum accenditur, è corde tamen in omnes latè partes dimanat. Neque vni qui è fenestri iecore in omne propè corpus obrepit, aut qui caput pedefuc interdumprehendit, legitimâ febris appellatione continetur: ille siquidem è corde non prodit, hic in omnes corporis partes non subit. Adeo ille tantum calor optimo potest iure febris censei, qui & vniuersalis est, & cum à corde sit, omnia mox in consensum trahit. At certe non perinde vt cordi, omnes condolent particulæ, ità & illis cor eadem planè ratione consentit: nam propter summum eius in cætera imperium, parum aut nihil ab illis interdum afficitur: & si collectus in parte humor morbo acuto ortum præbuit, illa aliquando aut longius distat, aut etiam minus expeditæ sunt viæ, quâ vt possit potius vapor partium continuatione in cor euadens febrem accendere: hinc non omnis acutus cum febre.

F

EBRIS sæpe primaria est & solitariè inuadit, sæpius tamen accidit morbis, ac eodem consequitur: & quamquam nulli affidet frequentius, quàm acuto; non est tamen in diuiduus illius comes. Etenim vt acutorum causa bilis sit, aut calidus humor calori augendo imprimis idoneus, non ideo febrem mox accendi necesse est: non enim vt bilis citò incalefcit, ità & sponte putret. At maxima febrium pars vni orum putredini acceptum refert: & vetus antiquorum dogma vnicam hanc febrium causam esse statuens, de nihilo planè non est, si sola Galeni ratio intercedat, non authoritas. Iam frigidi humoris copiam acuto occasionem dedisse non est inauditum: hic cum igni concipiendo minus apta sit materies, neque certè febrem accendere poterit: atque idcirco non omnis acutus cum febre.

A

CVTVS ille morbus censetur, qui cum vehementia sua tempora celeriter percurrit: neque tamen omnibus acutis quatuor illa transigere semper datum est; at quicumque vigorem pertransiit, ille, & declinationem nemini vnquam letalem, necessariò habet. Porro ad acutorum generationem maximè conferunt, præter humoris conditionem & copiam, virium quoque dispositio, corporis habitus & affectus partis dignitas. Hinc qui rarâ sunt corporis texturâ, qui graciles & biliosi, sæpe in acutos incidunt, nec propterea magis sunt ad febrem procliuës: contra melancholici, & qui acidum eructant, præ crassi humoris segnitie, vt rariùs acutis tentantur, ità faciliè afficiuntur diuturnis; & fortè eam tantum è febribus habent familiarem, quæ, quia quærit solum diebus recurrit; ideo fontica non est, sed cæteris longè fortunatior. Neque verò quis idcirco ab humore frigido acutos interdum oriri neget: quod enim in acuti generatione, celer præstat calidi humoris motus, id frigidi compensat copia, vbi principem partem obfederit. Ità Apoplexia frigidi crassique humoris proles; inter acutissimos reponitur, quæ tamen febrem non semper habet adiunctam: & proinde non omnis acutus cum febre.

A

CVTI certè, si antiquis credimus, ij sunt, quorum febres omnino continuè ægros interficiunt: at nonnullos inuenire est, quibus affidens febris, tantum abest, vt ægro tantibus exitio sit futura: vt potius tota in illis salutis spes, in febris aduentu posita sit. Siccetanus & reliquæ conuulsionis species, sine febre ægros de medio tollunt, quâ superueniente feliciter soluantur. Apoplexia verò, cui ne salutis ipsa quidem materies potest, vnicâ adueniente febre interdum iudicatur. Adeo hac in parte sanitate morbus præstat, vt ipse aliquando nobis expetendus sit, si sanitate frui volumus. Iam plures quoque in acutorum ordine reperias, qui, si nihil vtilitatis & adiumenti, ab eâ, quâ carent febre, saltem nihil noxæ & detrimenti accipiunt: cuiusmodi est cholera & colicus dolor; quin & ipsam pestem, morborum longè funestissimum, sine febre videre licuit. Qui omnes morbi cum inter acutissimos, ex omnium consensu, locum habent, & febribus incendiis aliquando sint immunes, ideo non omnis acutus cum febre.

Ergo non est indiculus acutorum comes febris.

266.

Proponebat Lutetiæ **LEO LE TOVRNEVRS** Rhedonensis, A.R. S.H. M.DC.XXXV.

DOMINI DOCTORES DISPUTATVRI.

M. Ludouicus Renouard.
M. Petrus le Conte Schol. Profef.
M. Mathurin Alton.

M. Franciscus Blondel.
M. Guillemus Guerin.
M. Laurentius de Frade.

M. Franciscus Lespiciet.
M. Georgius Cornuty.
M. Guillemus du Val. P. R.

